

圣武记

平武記

聖武記卷八

邵陽魏源撰

國初東南靖海記

順治三年夏貝勒博洛軍定浙東明監國魯王航海其石浦守將張名振以舟師從是秋大軍定福建滅唐王降鄭芝龍貝勒大軍凱旋留兵分守要害以張存仁總督浙閩佟國鼎巡撫福建而芝龍子成功及其兄子鄭彩鄭聯並擁衆海上是爲浙閩沿海二寇之始魯王之航海也先至舟山其守將黃斌卿不納舟山一曰翁洲在靈波海中亘百餘里越王句踐欲徙夫差于甬東卽其地也適鄭彩鄭聯以舟師來會奉之入閩次中左所卽廈門廈門方爲鄭成功所踞成功故唐王遺臣奉隆武年號兵最強以唐魯舊讞不願奉之乃改次長垣其浙中遺臣錢肅

樂劉中藻張肯堂徐孚遠武臣阮駿趙牧周瑞周鶴芝林舞籥及勳臣之裔徐仁爵李錫祚等或有兵或無兵先後奔附時唐王甫滅所遺郡縣聞明兵至多騷動順治四年連陷建寧邵武興化福寧三府一州及漳浦海澄連江長樂等二十七縣其陷興化也以分巡道彭遇颺故明御史乘我守將出戰時登陴盡易明幟我兵返見之遂潰其陷建寧也城中舉火內應其陷邵武也明郎西王禛將王祈善戰先踞上游夜取几案數百各插香炷順流放之環邵武城而過守兵矢礮齊發遲明審其僞習不復備一夕突至遂陷進兵圍福州

詔總督張存仁移駐

衢州

詔都統辰泰爲靖南大將軍與棟柯賴李率泰等調廣東浙

江之兵三路進討又以陳錦代張存仁總督閩浙會鄭彩專橫賊殺朝士其黨內潰王師且剿且撫至順治五年夏各郡邑先後克復福州



歲饑被圍久城中人相食江西叛將金聲桓之黨郭天才僞稱援兵載米麥江上誘郡民出就食李率泰抵建寧聞之飛檄巡撫佟國鼎使警備賊乃夜抵洪山橋掠就食千人以遁延平有將軍寨地勢巍峭海寇巢其上俯瞰諸邑陳錦令于對山壘土高與寨等乘以登陴遂克之是年我松江提督吳兆勝謀叛與明故官陳子龍潛招浙東海師內犯張名振沈廷揚赴之遇颶崇明盡喪其軍廷揚投海死兆勝子龍事泄被誅名振遁還乃與阮駿合軍以五年夏由南田陷健跳所迎魯王復入浙時鄭彩已棄王去名振阮駿合拒大兵解健跳之圍九月復合王朝先兵攻斬黃斌卿于舟山奉魯王居之令阮駿王朝先分屯桐樵南田爲犄角而鄭彩軍金門鄭聯軍廈門亦於七年盡爲成功所奪成功遣使朝永歷于湖南受封延平郡公于是浙師盡并于張名振閩師盡并

于鄭成功東南海寇皆聽其號令方四年閩地之失陷也我大兵守浙者大半抽以赴閩于是溫台寧紹諸遺民復乘間爭結山寨以數百計而四明大蘭山王潮之軍上虞東山李長祥之軍上虞平岡張煌言之軍皆最堅整并約舟山兵共窺寧紹會鄞縣降官謝之賓來告變我各城守將急捕內應并調慈谿兵襲大蘭姚江兵擣東山數路皆潰屆期舟山兵果入蛟門抵三江口觀望而返及五六年閩地盡恢復總督陳錦率大兵還浙東七年張名振忌殺王得先于舟山得先部將來降盡洩虛實於是總督陳錦奏言浙東舟山海寇及各山寨之寇皆以故國爲名狼狽相倚海寇登岸則山寇爲之接應山寇被剿則入海以避兵鋒交通閩粵窺伺蘇松久爲東南之患臣廣訪進兵道路由定關出海距舟山百餘里乘風潮半日可到攻其不備決可克復八年

詔錦

與都統金燭劉之源提督田雄等會兵先勦山寨以除內顧用山民爲鄉導分路進擣四明諸山盡破巢穴遂乘大霧渡海抵螺頭門敵軍方覺阮駿以火舟邀戰於橫水洋風返焚之人舟俱燬張肯堂張名揚等率兵勇數千背城力戰九月掘攻陷之屠其城初名振恃海島之險謂大兵必不能渡先期奉魯王擣吳淞以綴我師惟留兵六千使阮駿守舟山及聞警回救則城已破乃奉魯王赴廈門去監國號爲寓公陳錦奏設陸兵千水師二千于舟山而成功在閩復乘王師攻舟山之隙大舉入寇沿海初芝龍出入海中每一商舶例入金三千不得鄭氏旗不能行也及唐王時又以練餉爲名閩粵二省正供外捐輸百萬盡歸鄭氏故富敵國皆積安平鎮福建巡道黃澍巡撫張學聖總兵馬得功巡按王應元謀乘成功之出擣安平巢穴攫其貲成功還怒以索償爲

名連陷同安漳浦南安平和海澄長泰等縣進圍漳州七閱月

詔

逮張學聖等入京治罪九年三月總督陳錦赴援戰于江東橋不利退屯同安其奴刺之帳中以首奔成功成功賞而斬以徇十月都統金礪援軍至屢捷成功退保海澄我兵圍之城壞十餘丈成功親當矢石不退一日聞空礮遞發成功曰此號礮也將薄城矣下令兵皆挺巨斧以待官兵四面蟻傅登城城上衆斧迎之隨斧隨墜濠爲之平我兵解圍去而張名振張煌言亦屢以餘軍入長江登金山燕子磯遙擊孝陵掠戰艘三百于吳淞口時成功始終爲唐二張始終爲魯所奉不同而其交甚睦時明遺臣義旅漸亡獨兩軍犄角海上而成功尤雄十年朝廷下令招撫芝龍鴻逵皆封侯伯成功封海澄公令芝龍少子世忠持芝龍書招之芝豹彩聯等皆降獨成功不受張名振卒以軍付張煌言

亦屢拒李率泰郎廷佐之招是冬成功乘機登岸措餉大擾福州興化諸府十一年陷同安南安等邑復破舟山據之 命鄭親王世子濟

度爲定遠大將軍赴閩防剿以水師提督張天祿禦寇海口失戰艦匿不奏聞褫職十二年成功進溫台還攻寧德殺守將閻遣使告捷于明桂王十三年將北犯留其將黃梧守海澄梧以成功用法嚴曾以揭陽之敗斬大將蘇茂遂懼而來降 詔封梧海澄公守漳州梧陳剿寇

五策一屯沿海以堵登岸二造小舟以圖中左三清叛產以裕招徠四鋤奸商以絕接濟五剗僞墳以泄衆憤七月命寧海將軍伊爾德率田雄等復克舟山連戰斬阮思等于橫水洋田雄奏言舟山不難于復而難于守請以滿兵駐防增戰艦補水師分汛偵剿是秋李率泰亦破寇于泉州盡復閩安海澄諸邑明年三月濟度班師成功陷閩安犯福州

轉掠温台十四年明桂王遣使自雲南航海進封成功延平郡王招討大將軍成功分所部爲七十二鎮設六官理事假永明號便宜封拜遂議大舉入寇戈船之士十七萬以五萬習水戰以五萬習騎射五萬習步擊以萬人來往策應又有鐵人萬披鐵甲繪朱碧彪文峙陣前專斫馬足矢銃不能入時張名振已死張煌言代領其軍爲鄉導抵浙陷温州台州師次羊山相傳其下龍宮戒震驚成功下令各船開礮果颶發挾雷電水起立碎巨艦數十漂沒士卒數千成功乃旋師是年成功將施琅復來降授副將成功聞王師三路攻永厓於雲貴乃大舉內犯江南圖牽制十六年六月由崇明入江時蘇松提督駐松江江寧提督駐福山分守要害圖山及譚家洲皆設大礮金焦二山皆鐵鎖橫江煌言屢却不前令人泅水斷鐵索遂乘風潮以十七舟徑進沿江木城俱

潰破瓜洲獲提督管效忠圍鎮江五路疊壘而陣周麾傳礮聲沸江水  
攻北固山士卒皆下馬死戰官兵退入城成功軍逐之而入遂陷鎮江  
屬邑皆下部將甘輝請取揚州斷山東之師據京口斷兩浙之漕嚴扼  
咽喉號召各郡南畿可不戰自困成功不聽七月直薄金陵謁孝陵而  
煌言別領所部由蕪湖進取徽寧諸路時江寧重兵移征雲貴大半西  
上城大守備空虛松江提督馬進寶改名不赴援陰通於寇擁兵觀望  
成功移檄遠近太平寧國池州徽州廣德無爲和州等四府三州二十  
四縣望風納款維揚常蘇且夕待變東南大震軍報阻絕

世祖

幸南苑集六師議親征兩江總督郎廷佐佯使人通款以緩其攻成功  
信之按兵儀鳳門外依山爲營連亘數里巡撫蔣國柱崇明總兵梁化  
鳳皆赴援化鳳登高望敵見敵營不整樵蘇四出軍士浮後湖而嬉乃

率勁騎五百夜出神策門先擣白土山破其一營以作士氣次日大出師由儀鳳鍾阜二門以三路攻其前而騎兵繞出山後夾攻成功令甘輝守營而自出江上調舟師諸營見山上麾蓋不動不敢退又未奉號令不暇相救遂大潰甘輝被執死化鳳復遣兵燒海艘五百餘成功遂以餘艦揚帆出海攻崇明不下冬十月還島而煌言軍遇我征貴州凱旋兵浮江下亦戰敗走徽寧山中出錢塘入海是役梁化鳳首功

詔先圖其形以進是冬

詔都統劉之源爲鎮海大將軍駐防鎮江

以梁化鳳提督江南

詔將軍達素總督李率泰分出漳州同安合

擣廈門以粵東降將爲鄉導我兵不習海戰暈眩不能軍成功手自搴旗督陣風驅濤湧我軍退多陷於淖引還十七年明桂王及李定國走緬甸雲貴蕩平命靖南王耿繼茂自廣東移鎮福建都統羅託爲安南



將軍督剿成功崎嶇海上十餘載進取無成乃謀奪臺灣爲窟穴語詳  
康熙戡定臺灣記 朝廷議堅壁清野之計下令遷沿海三十里於界  
內不許商舟漁舟一舢下海民戀生計脅於嚴刑多不願張煌言貽成  
功書曰棄此十數萬生靈不收而爭夷島乎且苟安一隅將來金廈兩  
門亦不可守而成功方得臺灣虞紅夷外鬩不暇內渡由是沿海稍息  
肩而成功旋卒於臺張煌言亦被禽於南田之懸嶼議政王等奏言舟  
山乃 本朝棄地守亦無用應令都統胡安禮率滿兵回 京是年李  
率泰遷同安之排頭海澄之方田沿海居民八十八堡及海澄邊境人  
民安置內地皆順治十八年事也康熙初大兵復金廈二島鄭錦遁臺  
灣始奏展沿海居民之界復舊業其海寇在廣東者則尙 喜以十七  
年敗鄧耀於海康耀走交趾盡平山寨又有周王者番禺蛋戶也繪船

數百三帆八棹衝濤若飛可喜署爲遊擊十八年議沿海遷界并盡撤  
繒船歸港汶徙其衆於城邑玉遂糾黨入海自稱恢粵將軍破順德尙  
可喜破斬二千復擒剿其餘黨於東涌海島其在江南者明益王宗人  
朱隆武據廟灣有衆數千舟百餘於順治四年乘間窺淮安總理漕儲  
庫禮與總督漕運楊聲遠設伏分布要害賊揚帆至車家橋伏發步騎  
水陸蹂之擒斬過半直擣廟灣平之其黨周文山遁入海九月又率衆  
八百夜襲淮安從夾城東門缺口突入總漕署庫禮率帳下親兵數十  
拒戰其妻盡搜署中存箭使婢僕傳送引滿命中一以當百黎明賊驚  
潰追斬百八十餘級淮城獲全師武臣力之風距今二百年猶昨日也  
臣源曰天下有城郭之國有游牧之國有舟楫之國穹帳騎射風馳雨  
驟此游牧之所長也濤駛火攻履危狎險此舟楫之所長也深溝高壘

清野堅壁此城郭之所長也自上世以來中國有海防而無海戰卽漢之樓船浮海擊甌越朝鮮魏青州軍自海道討公孫度劉裕遣兵自海道襲番禺唐自東萊渡海趨高麗皆僅濟師於海道而非交戰於海中以元太祖之兵力而十萬兵船覆於日本故水陸舟車自古異用惟明則太監鄭和驍兵船於西洋鄭成功奪紅夷之島國彼二鄭者固中國之一奇也方其請漳泉請海澄何異於西洋之索港口犯温台犯金陵何異於西洋之闖內地而薙髮之令何異於今日之烟禁 國初所以制之不過遷沿海棄舟山以斷煽濟而杜牽制卒駭喘息而不敢復獷誠能以薙髮之制禁煙以清野之法斷接濟以堅壁之法禦火攻煙可不遏自絕寇可不戰自困是之謂以守爲戰以守爲欵以內修爲外攘故著 國朝防海家法可考者於篇

...

...

...

...

...

...

...

...

...

...

...

康熙戡定臺灣記

臺灣亘閩海中袤二千八百里衡五百里與福興泉漳四府相直距澎湖約二百里廈門約五百里其山起雞籠南盡沙馬碯千里有奇惟山西東兩面沃野自海至山淺闊相均約各百里大於琉球將于呂宋自鄭氏以前中國人無至其地者皆生番據之隋大業中虎賁將陳稜一至澎湖東向望洋而反宋史謂澎湖東有毘舍那國卽其地也元置巡司于澎湖明初廢之嘉靖中海賊林道乾竄據臺灣爲琉球人所逐天啓中日本倭逐琉球而踞之荷蘭紅毛夷求香山求澎湖于中國而不得乃以重幣啗倭求臺灣一互市地旋誘以天主教又逐日本倭而有之及國初爲鄭氏所據鄭芝龍者泉州人初附倭家于臺灣倭敗去芝龍以其人衆舟楫橫于海崇禎中巡撫沈猶龍招降之屢平劇盜積

官至都督同知會閩大旱芝龍言于巡撫熊文燦以船徒飢民數萬至臺灣人給三金一牛使墾島荒漸成邑聚時鄭氏已去臺灣惟荷蘭夷二千踞城中流民數萬散屯城外荷蘭專治市舶不歛田賦與流民耦俱無猜鴻荒甫闢土膏墳盈一歲三熟厥田惟上上泉漳之人赴之如歸市鄭成功者芝龍取日本倭婦所生子也當明季唐王隆武桂王永厓之際起兵海上屢寇閩浙江南及順治十七年自江南敗歸乃奪臺灣爲窟穴時荷蘭二城已置揆一王守之與南洋呂宋占城諸國互市漸成都會適其主會計之臣負帑二十萬恐發覺無以償乃走投成功請爲兵鄉導成功覽其地圖歎曰此亦海外之扶餘也十八年先以百艘泊澎湖進圖鹿耳門門外嚮有淺沙數十里漁舟不能近岸紅毛夷又沈大艘塞港口及是潮驟漲丈餘數百艘倏抵岸紅毛倉卒不支遂

克赤嵌城進壁王城其城亂石疊砌火燬成灰融爲石城堅凝不受敵  
半載不下乃塞其水源困之且與約曰予我先人故土者子女玉帛任  
爾所之解圍退三舍荷蘭乃以大船遷國成功既有臺灣與所據金厦  
二島相犄角又禮處士陳永華爲謀主闢屯墾修戰械制法律定職官  
興學校起池館以待明宗室遺老之來歸者以赤嵌城爲承天府置天  
興萬年二縣招徠漳泉惠潮之民汙萊日闢是年棄芝龍于市鄭氏在  
京者皆伏誅

詔沿海居民三十里界外盡徙內地禁漁舟商舟出

海以杜構煽康熙元年成功卒年三十九長子經守廈門

案鄭經官書皆作鄭錦殆二名也

入臺嗣立成功弟世襲謀據其位爲經所殺我靖南王耿繼茂總督  
李率泰貽書招經經請如琉球朝鮮例不登岸不薙髮易衣冠不報是  
年監國魯王亦卒于臺二年明桂王亦滅而經猶奉其永歷之號三年

繼茂率泰施琅黃梧等進兵并檄荷蘭夾板船會勦克金厦兩島降其  
衆萬有八千經遁歸臺灣而浙督趙廷臣亦禽張煌言于南田之懸山  
嶼島寇悉平授施琅靖海將軍以降將周全斌楊富副之進討會阻風  
罷兵六年琅入京復陳進兵事宜部議寢之七年

詔大臣明珠蔡

毓榮赴漳招諭經仍以海外琉球朝鮮例爲詞是時鄭氏衰弱不敢內  
犯十有三年而三藩難作靖南王耿精忠執總督范承謨反福建告援  
于鄭氏許以漳泉二府給之臺人大喜亟渡海而西與耿氏合從精忠  
旋悔不踐割漳泉之約閩中故多鄭氏舊部曲海澄鎮總兵趙得勝與  
其屬劉國軒廣東潮州總兵劉進忠皆叛降于經于是經自取泉取漳  
取潮耿尙皆訴于吳三桂三桂尙之信割惠州與經盟申畫疆界然  
不獲成乘耿氏與王師抗旋尾其後取汀州運臺米內渡濟師精忠前



後受敵十五年乃反正導康親王傅貝子之師攻鄭氏十六年我師收復漳泉邵武興化其惠潮亦反正經遁入廈門貝子傅拉塔卒于軍以貝子賴塔繼之十七年春鄭氏復出沿海連下城堡十餘 詔復遷

沿海居民畫界如舊十八年經將劉國軒吳淑何祐等分道入犯總督  
耶廷相檄調官軍四路進剿大戰兼旬海澄公黃芳世都統穆嚇林提  
督段應舉皆失利 案是時前海澄公黃芳度已 國軒圍之于海澄環斬樹

于十三年漳州破時遇害矣

柵我援軍至國軒恐內外受敵故開一面縱之入以耗城中糧圍復合  
夏六月城中食盡陷官軍三萬餘馬萬匹都統提督以下皆死焉

詔罷耶廷相以姚啓聖代之以吳興祚爲巡撫楊捷爲提督時國軒乘  
勝下漳平長泰同安略取南安惠安安谿永春德化諸邑國軒自圍漳  
遣兵圍泉而斷漳州之江東橋及泉州萬安橋以拒官軍康親王駐軍

福州不敢救提督楊捷復惠安巡撫吳興祚將軍貝子賴塔復漳平楊捷遣兵襲破陳山壩以出萬安橋之背與大兵夾攻奪其橋礮沈其舟而巡撫貝子軍阻江漲亦得翰林李光地引出安溪間道遂解泉圍國軒與吳淑何祐等以兵五萬分軍漳州龍虎蜈蚣二山勢甚盛漳城兵少哈喇達耿精忠欲棄城避其銳姚啓聖閉城偃旗鼓乘大霧突出精兵五千衝之賊陣亂自相蹈藉連破十六營斬四千餘級復長泰同安然賊猶據江東橋不退至是楊捷軍赴援復與啓聖夾攻力戰克江東橋盡奪險要漳泉之路始通國軒遁還海澄海澄三面環海其陸地一面復掘濠引潮以阻大軍不時出犯江東橋諸營窺漳州兼列鰲矐守諸島相持一年不決乃議厚集舟師水陸夾攻并檄荷蘭夾板船爲助時吳三桂已死于湖南我水師破岳州詔水師提督萬正色督湖

南江浙戰艘二百由海赴閩而姚啓聖吳興祚新修三百艘亦成配兵  
三萬啓聖等復縱反間離其黨與重賞購募先後降僞官四百餘員兵  
萬有四千卽分隸水師用以進攻并約其守海壇之將爲內應於是不  
俟荷蘭船至啓聖與捷克復海澄萬正色以水師克復海壇水陸並徇  
廈門復降其戈船將朱天貴得其舟師乘勢擣襲諸澳諸寨悉破鄭經  
及國軒等遂乘金廈二島歸臺灣時十九年春夏也八月康親王還京  
留兵守金廈二島于是貝子賴塔與經書曰自海上用兵以來 朝廷  
屢下招撫之令而議終不成皆由封疆諸臣執泥削髮登岸彼此齟齬  
臺灣本非中國版籍足下父子自關荆榛且瞻懷勝國未嘗如吳三桂  
之僭妄 本朝亦何惜海外彈丸地不聽田橫壯士逍遙其間乎今三  
藩殄滅中外一家豪傑識時必不復思噓已灰之焰毒瘡痍之民若能

保境息兵則從此不必登岸不必薙髮不必易衣冠稱臣入貢可也不稱臣不入貢亦可也以臺灣爲箕子之朝鮮爲徐市之日本于世無患與人無爭而沿海生靈永息茶炭惟足下圖之經報書請如約惟欲留海澄爲互市公所姚啓聖不可議遂格二十年姚啓聖吳興祚疏請沿海民展界復業從之初閩人當成功世內輸官賦外應鄭餉十室九匱及耿鄭之亂交作殺掠所至不知誰兵閩中駐一王一貝子一公一伯將軍都統以下各開幕府所將皆禁旅居居民居食民食役其丁壯而漁其妻女又遷沿海之界流離內徙至是始凱旋息肩其驅掠而北者尙數萬姚啓聖請康親王下令禁之且捐金贖還者二萬啓聖在閩靡財如河沙耳目徧海島官帑不足則回易質遷以濟之前後揮霍百萬鄭經在廈門時有嬖人施亥者姚啓聖密賂使爲間約誘經至海口而伏

兵擒之鄭氏大亨將士復賂其庖人謀毒而殲諸皆不克而死會經卒其長子克臧長而才然乳婢出也成功時卽有人構經父子謂孽賤不當爲世孫辱國及成功沒經連年出兵在外用陳永華言命子克臧監國晚敗歸臺灣又日近醇酒婦人克臧監國二載禮賢恤下謹法令物望歸之而羣小憚其明察經諸弟亦不利其立也侍衛馮錫範先以計罷陳永華兵柄永華鬱鬱死克臧失助時成功妻董氏尙存復入間言遂襲殺克瑩而立次子克塽襲延平王幼弱不能莅事事皆決錫範于是鄭氏遂敗行人傳爲霖密約十三鎮同日發難事泄錫範并構陷續順公沈瑞而有其貲人心益失國軒居臺而被刺者再皆姚啓聖所使也二十年啓聖奏鄭經死子少國內亂時不可失水師提督施琅習海道可用內閣學士李光地奏亦同二十二年六月將出師啓聖欲候北

風直取臺灣施琅欲乘南風先取澎湖奏言澎湖不破臺灣無取理澎湖失則臺灣不攻自潰請以戰艦三百水師二萬獨任討賊而督臣留廈門濟餉從之時國軒守澎湖甚嚴盡據港口舟不得泊我軍次七罩灣水駛石惡適潮漲石沒舟乘以進國軒沿岸築壘環二十餘里間壘列礮會颶風夜發怒濤山立我舟師前鋒簸蕩飄散賊艦四面圍攻琅親督大艚衝其圍矢集琅目幾殆力戰得解時國軒自率衆二萬泊牛心灣而別屯萬兵于雞籠嶼相犄角我軍懲前戰被賊夾攻乃議分三路以五十艘出牛心灣五十艘出雞籠嶼爲奇兵分賊勢而琅自督五十六艘分八隊攻其中堅以八十艘繼後每路中復各分三隊不列大陣惟約以五艘攻其一艘人自爲戰酣鑿竟日聲震數百里焚其百餘艘殺其兵萬有二千凡海洋占候雲合風生雷鳴風止是日將戰時黑

雲起賊方相賀忽聞霹靂皆錯愕遂大敗國軒由吼門冒險突圍逸官軍乘勝進臺灣至鹿耳門膠淺不得入泊海中十有二日潮不至忽大霧潮高丈餘舟師浮而入鄭氏皆駭曰先王得臺灣鹿耳門漲今復然天也七月遣使議降施琅姚啓聖奏聞八月勅至于是國軒及馮錫範以鄭克塽降繳上成功所受明延平郡王招討大將軍金印各一公侯伯及將軍都督等銀印五籍土地戶口府庫軍實以獻臺灣平時康熙二十二年秋也琅由海道報捷七日抵京師而姚啓聖由內地馳驛後二日至詔封琅靖海侯克塽入都隸漢軍授公爵國軒錫範皆伯爵鄭氏自成功傳三世凡割據三十有八年始黃梧之降也言鄭氏石井山祖墓形勢昌雄宜剗之泄其王氣于是晉江縣之大覺山南安縣之覆船檝欖金坑諸山五墓皆毀惟其山祖墓號五馬奔江

者不知所在至是克塽請以成功及經之喪歸葬南安收其地置臺灣府諸羅臺灣鳳山三縣西爲澎湖廳其後分諸羅北彰化爲縣又北爲淡水廳設巡臺御史旋改兵備道總兵轄水陸兵八千澎湖副將水師二千其後復增兵額萬有四千稱重鎮焉

臣源曰中國山川兩幹北盡朝鮮日本南盡臺灣琉球過此則爲落滌尾閩亦名萬水朝東舟楫所不至故琉球日本以東之國無聞焉臺灣地倍於琉球其山脈發于福州之鼓山自閩安越大洋爲澎湖三十六島又東渡洋百里至臺灣爲中國之右臂可富可強可戰可守方鄭氏之初平也廷議以其孤懸海外易藪賊欲棄之專守澎湖施琅以爲天下東南形勢在海而不在陸陸之爲患有形海之藪奸莫測臺灣雖一島實腹地數省之屏蔽棄之則不歸番不歸賊而必歸于荷蘭恃其戈



船火器又踞形勝膏沃爲巢穴是藉寇兵而資盜饑且澎湖不毛之地不及臺灣什一無臺灣則澎湖亦不能守誠深識遠慮之言哉初 朝廷以沿海奸民遁逃通寇下遷界之令移沿海居民于內地蕩析流離又失海上魚鹽之利于是總督范承謨再疏而復之臺灣已服尙禁商舶出洋互市則施琅藍鼎元等屢議而開之至漳泉仰給于臺米而禁其流通臺民渡海以億計而禁其攜眷則高其俸吳士功慷慨而陳之於是開鼓鑄之錢編鄉試之號易竹樹之城闢生番之地誠所謂仁者設其施智者申其辯勇者奮其斷而後鱗介乎冠裳睚眦乎禮樂觀其菑畚攘剔亦勞臣志士曠代之所纏綿也



康熙重定臺灣記

雍正元年憲皇帝卽位詔曰臺灣自古不屬中國我

皇考神武

遠屆拓入版圖末年逆賊朱一貴倡亂攻陷全臺諸臣夙稟方略士卒感戴教養之恩七日克復破賊數萬當

皇考春秋高邁威播海

外所有立功將士其各加等議敘嗚呼盛矣哉師武臣力如

聖

祖之世而猶有此患考康熙六十年夏四月臺灣朱一貴之叛激于知府王珍稅斂苛虐濫捕結會及私伐山木之民二百餘淫刑以逞鳳山奸民黃殿李勇吳外等因民弗忍又窺臺吏文焚武燔遂謀變也以一貴朱姓可託明裔而一貴販鴨旦暮出入自成行列煽烏合數百夜劫岡山塘汎揭竿荷耨無器械岡山距府城三十里疾趨掩之立可撲滅也總兵歐陽凱聞警集衆議游擊劉得紫最知兵請行不許而遣游擊

周應龍以兵四百及四社土番數百往應龍者龐驅有口實無能行五里卽止營次日再進十五里賊劫棟檳林汎戕把總掠軍器應龍隔一溪不救賊旁掠四出于是南路奸民杜君英等亦蠢起應之周應龍遇賊岡山一交綏賊卽敗走入山應龍又不追而縱兵番焚掠近村于是各鄉皆煽于賊樹幟響應南路賊攻叅將苗景龍于淡水營周應龍聞報復行十五里翼日遇賊赤山方合戰應龍遽以後隊遁歸府城一貴大隊隨之而君英等賊別攻鳳山叅將苗景龍敗死府城大震文武各吏盡室登舟人無固志總兵歐陽凱游擊劉得紫副將許雲率師千有五百出禦之中夜自驚擾黎明稍集而賊至許雲躍馬陷陣官兵繼之賊大敗退屯竿津林時水師游擊游崇功出哨笨港聞報亦以兵還入鹿耳門赴援五月朔朱一貴杜君英合隊數萬來犯劉得紫以兵截中

路口歐陽凱許雲游崇功迎戰春牛埔而把總楊泰通賊爲內應刺歐陽凱墜馬死官兵大潰劉得紫率兵還救馬蹠被執許雲游崇功血戰至日中矢礮俱盡各手刃數十賊以死于是水師游擊張賢王鼎等率兵千餘戰艦四十揚帆出澎湖臺廈道梁文煊知府王珍等盡驅港內商漁艇出鹿耳門渡海而周應龍遁回內地是日賊陷臺灣府掠倉庫復開紅毛樓大獲鄭氏舊貯礮械硝磺鉛鐵北路奸民賴池張岳等亦同日陷諸羅戕叅將羅萬倉凡七日而全臺陷朱一貴僞稱中興王號永和大封羣賊公侯太師將軍總兵以千計優伶冠服摩肩塞道民爲之謠曰頭冠明朝冠身衣清朝衣五月稱永和六月還康熙蓋人心皆不附賊也游擊劉得紫陷賊中賊素重其名不殺聽收瘞各帥之尸禁諸學宮七日不食諸生林皋劉化鯉密陳諸賊可滅狀始受食謀恢復

時逃官難民皆至澎湖澎湖協副將倉皇不知所措亦盡室登舟將渡  
廈門百姓婦女爭舟雜沓聲震海岸守備林亮厲聲曰 朝廷以海外  
封疆付諸臣正以備緩急倚賴今未見一賊相率委去若國事何與其  
死國法曷若死賊請整兵船守要害俟賊至決戰不勝我死公等走未  
晚也馳赴海濱拔刀驅官民家屬登岸衆心始固時水師提督施世驃  
在廈門聞警卽調兵渡海總督覺羅滿保疾馳至廈門施世驃已先二  
日率師出港矣滿保復調南澳鎮總兵藍廷珍至廈使總統渡臺水陸  
兵八千餘船四百艘六月朔出廈門港七日會提督施世驃于澎湖共  
兵萬二千有奇大小舟六百餘艘方是時臺中賊黨互相雄長攻擊杜  
君英爲朱一貴敗走剽掠村莊而淡水營守備陳策團練義勇固守要  
害又率淡水莊義民侯觀德李直三等以鄉兵破朱一貴賊數萬斬賊

萬計而諸羅義民陳徽等亦起兵攻復縣治旋爲賊陷陳策遣人赴澎  
厦請兵滿保施世驃先後發兵千七百赴援適世驃獲賊諜吳良等二  
人于澎湖搜獲僞劄百道吳良澎湖把總降賊者也窮訊之盡知賊黨  
內亂百姓不附我軍士氣倍奮滿保議三路進攻廷珍與世驃言南風  
已盛南路不可泊舟北路去府百餘里餉運艱度賊必屯聚中路宜直  
搗鹿耳門十日發澎湖以守備林亮千總董方爲前鋒并率善水者十  
餘駕小舟於鹿耳門表識沙路并載旗幟伏南北港時賊以大礮扼險  
迎拒十三日林亮董方以六舟冒死直進遙望礮臺火藥壘積專以礮  
注攻中之轟發如雷賊死無算衆軍齊集兩港悉樹我軍旗幟遂揚帆  
直渡鯤身鯤身者海沙也膠淺不能行大舟是日海潮驟漲八尺四百  
餘艘倏齊薄岸賊遁保安平鎮列隊迎拒林亮董方復先登陷陣藍廷

珍督大隊繼之賊敗走官兵入安平鎮日猶未晡是夕施世驃亦乘潮至鹿耳門次日至鎮賊八千來犯安平我兵迎戰於四鯤身別遣小舟沿岸夾擊逐北至七鯤身瀨口復以火舟燒賊戰艦十六日賊數萬復犯安平駕牛車列盾爲陣冒礮火死突藍廷珍親督戰於二鯤身而林亮等別以小舟載礮附岸夾攻斬溺無算賊始退保府治不敢出惟沿岸列礮晝夜固守施世驃等下令戒各軍毋妄殺來降者悉縱還各樹大清良民幟於門惟抗拒者誅遠近脅從望風解散有西港仔義民某載家屬爲質願引大兵從西港登岸徑攻賊巢施世驃卽密遣林亮董方等以兵千有二百往十八日藍廷珍聞之急白世驃曰此險道也地多篁木易設伏且追賊肘腋醜黨必衆而我軍甚孤若伏賊數千環攻乘我將奈何世驃曰可奈何廷珍曰請急以大隊進而別遣將分攻各



港牽制使不得兼顧於是廷珍率舟師五千五百夜指西港仔黎明登岸則賊與林亮等方鏖戰我軍嚴陣設伏而進前鋒遇賊力戰伏兵突出竹林橫截賊陣左右奇兵繞後夾攻大潰北廷珍料賊必夜來劫營初更卷帳偃旗伏蔗林間賊果至不見一人大驚伏起衝擊大敗之十九日逐北至府城賊數萬皆遁而施世驃亦分敗西南兩路之賊同日抵城自鹿耳門至是凡七日廷珍報滿保於廈門而施世驃先於軍中奏捷矣復分遣官兵廓清南北二路而游擊劉得紫自亦賊中拔歸大營請爲鄉導淡水營守備陳策率援淡之兵南下諸羅與大軍合北路賊黨潰散殆盡朱一貴走灣裏溪爲村民擒獻惟逆黨杜君英杜會三陳福壽江國論等尙未獲廷珍購得一二皆善待之使轉招其黨旬日先後出降與朱一貴皆檻送京師磔死臺灣平其敗逃之游擊周應龍

及棄臺逃回之道府廳縣訊治伏法知府王珍剖棺梟示先是 朝廷

得施世驃捷奏大喜 賜東珠朝帽黃帶四團龍補服又徑擢淡水

營守備陳策爲臺灣鎮總兵官加左都督藍廷珍仍統兵留臺灣彈壓

以施世驃奏中不及廷珍戰功也八月臺灣怪風暴雨流火燭天竟夜

海水皆立諸港船互相撞壞如漂杪敗葉或飄上平陸地大震翼日始

霽郡無完宅壓溺死者數千以風災奏聞發帑開倉大賑而施世驃終

夜露立風雨中驚悸疾作以九月望日卒於軍調廣東提督姚堂代其

任時廷議移臺鎮總兵官于澎湖而設陸地副將于府治裁水陸兩中

營歸內地藍廷珍力爭不可提臣姚堂亦以爲言乃仍令總兵鎮臺副

將駐澎 特命滿漢御史各一員歲巡臺灣察民疾苦廷珍之征臺

也其弟鼎元在軍中文移書檄皆出其手如論臺鎮不可移澎又言臺

變皆自內起罕自外入鹿耳門不宜設礮城以資賊守而阻攻討又言  
諸羅以北地險兵單難以控制宜割爲二縣皆不易之論其後乾隆中  
用其言分立彰化縣云鼎元號鹿洲漳浦人由貢生官至廣州知府有  
平臺紀略鹿洲文集說海防甚具或問朱一貴以前紅毛取倭鄭氏取  
紅毛 本朝取鄭氏非皆變自外入者乎  
臣源曰耶穌不惑紅毛不乘夷間不投鄭兵不興子不少國不內亂  
王師亦豈得而馮陵乎日月蝕于外其賊在於內

王融亦為情詞鄙野平日凡遇于於其類皆佳

引論曰事雖不親身手不乘其間不野灑然不與于不之類不內

瑋手 本附東漢天共書變自校人香平

平遠孤湖野開文美無疵初其具與開米一貴以前瑋手取委灑然取  
引其看秋立遠分神云鼎示號賦則章節人由實坐官廷貴出賦和言  
清麗以非賦劍其單巧以辭備宜備云二種皆不易之詞其若海淵中  
慶喜自內此罕自校人風其門不宜媚以香細字而開文補更信

乾隆三定臺灣記

臺灣不宜有亂也土沃產阜耕一餘三海外科徭簡夜戶不閉然而未嘗三十年不亂其亂非外寇而皆內賊朱一貴林爽文其尤著者也一貴既俘以諸羅北境遼闊增彰化縣及北淡水同知地大物賡漳泉惠潮之民日衆寄籍分黨蘖芽其間守土官又日賸削之于是民輕視吏及其樹幟械鬥動以萬計將士不能彈治惟以虛聲脅和于是民輕視兵近山土沃民墾日廣巡撫楊景素立界限之將界外良田盡畀生番番不知耕仍爲內地游民偷墾地旣化外易藪奸宄又獄有不能結者輒誘殺生番以歸獄于是旣歐民以歸番又歐番以黨賊林爽文者居彰化之大理杙地險族強豪猾揮霍聚羣不逞之徒結天地會數十年將吏務爲覆蔽不之間黨日橫熾總兵柴大紀調兵三百使知府孫景

燧彰化知縣俞峻及副將赫生額游擊耿世文往捕駐營五里外之大墩勒村民禽獻先焚無辜數小村怵之爽文遂因民之怨集衆夜攻營軍覆將吏死焉彰化遂陷時乾隆五十一年十一月二十七日也賊初起時總兵柴大紀適在彰化知縣俞峻請留彈壓大紀託言歸府城調兵逾一旬而彰化陷十二月六日又陷諸羅戕知縣及淡水廳同知而鳳山盜莊大田亦陷其縣臺灣沙土浮疏不時地震故城無磚石皆掘濠樹竹爲城府城亦樹城也總兵柴大紀兵備道永福等守之賊分路來犯柴大紀禦諸鹽埕橋殺賊千計橋距府城五十里扼水陸交大紀自守之賊始不敢窺府城明年正月初旬水師提督海澱公黃仕簡陸路提督任承恩副將徐鼎士各以兵渡海至黃仕簡檄柴大紀北取諸羅郝壯猷南取鳳山各率兵二千惟大紀連戰破賊遂復諸羅而郝壯

猷南出二十里卽阻賊頓兵幾五十日始進鳳山鳳山城已空招民復業賊混其中吏復不覺三月十日城復陷游擊鄭嵩死焉壯猷遁歸府城又任承恩至鹿港距大理杙賊巢僅四十里亦不敢進初林爽文之反也適當漳泉二府人械鬥之後爽文本漳籍故泉人不從亂彰化之鹿港賊遣僞官來收稅泉民林湊等起義一鼓禽之故鹿港海口未失賊所畏惟泉人也及黃任兩提督兵至泉人爭思助官兵殺賊兩提督不知驅策反觀望逡巡坐失事機

上命總督常青爲將軍往督

師以李侍堯署浙閩總督復調廣東兵四千浙兵三千駐防滿兵千江南提督藍元枚故漳人藍廷珍之子也習臺灣事

命移赴軍與福

州將軍恒瑞均爲叅贊分赴府城鹿港誅失律之郝壯猷逮提督任承恩以柴大紀代之賊目莊錫舍亦以二千人降請殺賊自効而藍元枚

至臺僅三月卽病卒常青恒瑞軍五月出南路離府城十里遇賊萬餘  
甫交綏卽退又請增兵萬賊以其暇得蠶食各村脅其不從者輒焚劫  
于是泉人亦弭首附于賊泉人附而賊勢遽不可支旬日十餘萬莊大  
田驅以攻府城林爽文驅以攻諸羅諸羅據南北之中賴柴大紀力守  
之爲府城屏蔽林爽文必欲陷之晝夜圍攻又攻鹽水港鹿仔港以斷  
府縣餉道大紀皆分兵擊奪之決其堰澗破其礮車以守城兵四千抗  
賊數萬先後百餘戰殺賊過萬屢禽僞降謀內應之奸細又因糧于賊  
屢出奇兵奪其峙積 詔以大紀用法嚴明載入行軍紀律爲各省  
法授叅贊大臣常青遣總兵魏大斌叅將張萬魁游擊田藍玉副將蔡  
攀龍貫林等三次往援皆爲賊所截張魏田蔡僅得入城捐兵大半餘  
皆被戕于賊諸羅圍日密城中以地瓜野菜油糗充食常青復催恒瑞



自府城總兵普吉保自鹿港進援各有兵五六千畏賊勢不敢進恒瑞復張皇賊勢奏請兵六萬 詔解常青恒瑞之任以福康安海蘭察

代之又

命柴大紀捍衛兵民出城再圖進取十一月大紀奏言諸

羅爲府城北障諸羅失則賊尾而至府城府城亦危且半載以來深濠增壘守禦甚固一朝棄去克復甚難而城廂內外義民不下四萬實不忍委之於賊惟有竭力固守以待救援 上覽奏墮淚 詔曰

大紀當糧盡勢急之時惟以國事民生爲重雖古名將何以加茲其改諸羅縣爲嘉義縣大紀封義勇伯世襲罔替并令浙江巡撫以萬金賞其家俟大兵克復與福康安出來瞻覲福康安中途聞賊勢盛亦奏請增兵而後進 上嚴飭之 命頒內庫所藏大吉祥利益右旋

螺以利渡海風帆十月守風鹿港忽一晝夜順風數百艘抵港口帆檣

列數里各村莊被賊脅者望風解散爭爲鄉導聲音直擣大理杙賊巢而陰趨縣治十一月初八日大兵六千義勇千餘遇崙仔頂海蘭察率巴圖魯侍衛數十衝賊陣矢無不中賊披靡遂怒馬殺入賊分伏竹蔗林邀截官兵我兵五隊分戰再敗之牛稠山卽日海蘭察抵嘉義城次日福康安亦至復乘勝追賊克之於斗六門遂擣大理杙賊猶萬餘迎拒乘我步兵未集先萬炬來索戰我前鋒千騎伏溝墜間銃矢從暗擊明發無不中賊遽滅火鳴鼓來攻復尋鼓聲擊之賊旋敗旋進我步騎鏖戰竟夜黎明遂克其巢林爽文已攜家走集集埔乃通生番隘口也據溪岸壘石環數里十二月官兵伐箐騰險而上殺賊千餘又破餘賊二千於小半天林爽文先匿其孥於生番社而自與死黨數十竄箐谷皆就禽遂移師而南剽莊大田於牛莊屢敗賊追至極南之郎嶠負山

阻海我舟師先截其走路而大兵環山圍之斬溺各數千莊大田亦就  
俘臺灣平其右旋白螺 命卽存布政司庫凡將軍總督提督渡臺

及冊使封琉球則佩之以行是年始罷遣巡臺御史及番民田界之禁  
初福康安之解諸羅圍也柴大紀出迎自以叅贊伯爵不執鑿韃之儀  
福康安卽劾其前後奏報不實 上以大紀固守孤城逾半載非

得兵民死力豈能不陷若謂詭譎取巧則當時何不遵旨出城其言糧  
食垂盡原以速外援若不危急其詞豈不益緩援兵大紀屢蒙褒獎或  
稍涉自滿於福康安前禮節不謹致爲所憎遂直揭其短殊非大臣休  
容之度又福康安抵諸羅後凡有攻剿皆不派柴大紀蔡攀龍而於擁  
兵不救之恒瑞非惟不劾且屢敘其戰功曲爲庇護恒瑞本應軍前正  
法恐駭聽聞其逮交刑部治罪尋遣戍伊犁會侍郎德成自浙江歸

上以福康安所劾大紀事詢之德成因奏柴大紀在任貪黷令兵私回內地貿易及賊起倉卒不早撲滅以致猖獗又逮聞提督任承恩供亦同命李侍堯福康安查奏五十三年正月

詔曰柴大紀前此

久困圍城不肯退兵奏至時朕披閱墮淚卽在廷諸臣凡有人心者無不歎其義勇用人者當錄其大功而宥其小管豈能據福康安虛詞一劾遽治以無名之罪前詢李侍堯之旨至今尙未復奏殆亦難於措詞耶尋李侍堯奏至略如福康安指福康安奏言大紀鹽隄橋之戰尙爲出力守禦諸羅亦有微勞惟以專閫大員旣不能整飭於平日又不能撲滅于臨時皆紀律不明所致請卽解京正法七月大紀逮至京

命軍機大臣會同大學士九卿覆訊大紀再三稱寃

上廷訊大

紀始引咎仍微訴其枉

詔曰福康安等擬大紀斬決朕念其守城

微勞原欲從寬末減改爲監候乃展轉狡辯取死豈可復從寬典其卽  
依所擬正法黃仕簡任承恩罪均惟一爲海澄公黃梧之裔一爲任舉  
之子貸其一死時議以大紀之死也不知引咎昧帥臣之禮與張廣泗  
不服訥親之劾而負氣 大廷者何異豈知 聖主衛功過燭

隱微早洞見萬里外哉

臣源曰今日治臺之勢與昔時異鄭氏竊踞海嶠朝不保夕惟慮大兵  
之入故重扼鹿耳門各海口今隸版圖將二百年皆內賊罕外寇則其  
防在山而不專在海 蔡牽之亂亦臺灣陸地土匪勾引之入 臺澎一鎮水陸十三營額兵萬

四千有奇皆內地督撫提鎮各標抽調防戍三載更其家屬皆留內地  
故有叛民無叛兵則其防在民而不在兵一歲三穫餘糧近濟閩省遠  
給天津糖布材木利盡南海惟患械鬥畝會之梗頑胥役之擾索則其

治又不在富而在教康熙中初取臺灣僅三縣地鳳南羅北臺灣中地近鹿耳門海口故就置府治其後北境日擴負未爭往於是諸羅之北增彰化縣又北增淡水廳則府城已偏於南且鹿耳門距泉之廈門八九百里而鹿港距泉之虹江口僅四百里風利半日可達視鹿耳門尤扼要議者以爲宜移府治於諸羅負山帶溪以據南北之中而移彰化城於鹿港以扼海口之吭此山前形勢也山後地則嘉慶中始開西南北負山東面海絡以三港屏以龜嶼本三十六社生番地承平久山前地利盡乃漸墾及山後自北而南爲頭圍二圍三圍而漳人吳沙者練勇開路以桿生番質遷有無以招流寓闢地至五圍六圍耕民六萬口地袤五百里埔社沃土田而水社秀溪山且負陰抱陽爲臺灣之正面吳沙旣富自恥化外屢乞升科屬版籍臺吏莫之受也旣而沙集義勇

敗海寇蔡牽於山後又連敗朱瀆事

聞始詔收其地立葛仔蘭廳

以通判理之其生番地未闢者尙大半然臺灣開闢二百年丁口蕃衍至二百五十餘萬至生熟番不及二十分之一其盛衰若有天數焉氣運所至有開必先榛榛穢穢厥始農災彼封豫章之山禁藍田之田使川瀆愛其寶貨力棄於原者蓋吳沙之所憐哉

川流其地有八藥以用者蓋與此之流經焉

感流至官開必求謝謝以爲謝謝之山後論曰之田則  
至二百五十萬至中歷番不氣二十分之二其高塚沐自天規諸塚  
以感降服之其土番城未開者向大半然其有開關二百半丁日其亦



嘉慶東南靖海記

國家自康熙二十二年克臺灣平鄭氏二十四年大開海禁閩粵浙吳  
航天萬里鯨鯢不波及嘉慶初年而有艇盜之擾艇盜者始于安南阮  
光平父子竊國後師老財匱乃招瀕海亡命資以兵船誘以官爵令劫  
內洋商舶以濟兵餉夏至秋歸蹤跡飄忽大爲患粵地繼而內地土盜  
鳳尾幫水澳幫亦附之遂深入閩浙土盜倚夷艇爲聲勢而夷艇恃土  
盜爲鄉導三省洋面各數千里我北則彼南我南則彼北我當艇盜則  
土盜肆其劫我當土盜則艇爲之援且夷艇高人多礮卽遇亦未必能  
勝土盜狡又有內應每暫遁而旋聚是時川陝教匪方熾 朝廷方注  
意西征未遑遠籌島嶼以故賊氛益惡嘉慶元年福州將軍魁倫兩廣  
總督吉慶先後奏言獲烏艚船海盜陳天保等有安南總兵及寶玉侯

敕印敕安南王阮光纘查奏尙謂國王不知也四年安南農耐舊阮王與新阮交兵禽送海賊莫扶觀等皆內地奸民受安南僞封東海王及總兵 朝廷始知安南藪奸誨盜之罪五年六月夷艇三十餘水澳鳳尾各六七十艘皆萃于浙偪台州將登岸巡撫阮元提督蒼保奏以定海鎮總兵李長庚總統三鎮水師賊泊龍王堂松門山下颶風雷雨大作賊船撞破覆溺殆盡僅餘一二艇漂出外海其泗岸及附敗舟者皆爲水陸官兵所俘獲安南僞侯倫貴利等四總兵磔之以勅印擲還其國安南烏艚船百餘號總兵十二人分前中後三支每支四總兵倫貴利等其後支也會安南旋爲農耐王阮福映所滅新受封守 朝廷約束盡逐國內奸匪由是艇賊無所巢穴其在閩者皆爲漳盜蔡牽所并率同安人奸猾善捍鬪能使其衆旣得夷艇夷敵凡水澳鳳尾餘黨皆

附之復大猖獗凡商船出洋者勒稅番銀四百圓回船倍之乃免劫且結陸地會匪陰濟船械硝磺米糧而官修戰艦笨窳不能放洋轉雇商船爲剿捕之用是時廣東總督長麟仿商船之式捐修米艇數十勦賊有效于是浙江巡撫阮元率官商捐金十餘萬付李長庚赴閩造大艦三十名曰霆船鑄大礮四百配之廣東巡撫孫玉庭亦奏言從古但聞海防不聞海戰粵洋三千餘里賊蹤飄忽兵分勢單終年在洋奔逐迄無成效不如專力防守海口嚴禁岸奸爲以逸待勞之計其官運鹽船及貿易商船皆配兵船巡護是海防亦非置舟師于不用 詔行之是冬擢李長庚浙江提督時蔡牽以五十艇踞閩洋而水澳賊首林亞孫爲浙兵殲于東白有侯齊天者收水澳及鳳尾餘幫有船十七自爲一隊爲牽所誘殺而其黨張阿治復魁其衆號新興幫居浙洋八年正

月率竄定海進香普陀適李長庚掩至率僅以身免晝夜窮追至閩洋賊糧稍盡篷窳朽我師又據上風賊不能遁乃僞乞降于閩浙總督玉德玉德遣興泉兵備道慶徠赴三沙撫之牽又曰果許我降勿令浙師上風偪我玉德遽檄浙師收港勿出于是牽得聞繕檣械備糗糧揚帆去浙兵追擊于三沙于温州凡奪舟沈舟燒舟者六賊畏霆船甚厚賂閩商更造大于霆船之船先後載貨出洋僞報被劫牽連得大海船遂能渡橫洋渡臺灣九年夏劫臺灣米數千石分濟粵盜朱濱連艚八十餘猝入閩閩師不敢擊會浙江總兵胡振聲以二十四艘運造船木于閩閩督玉德遽檄振聲擊之而閩師不援爲賊火攻所陷死 詔逮不援臺之金門鎮總兵吳奇貴副將張世熊等治罪以李長庚總統閩浙水師率温州海壇二鎮爲左右翼專剿蔡逆其金門黃巖定海諸鎮

各守其地俟總統追賊至境出師策應是秋八月牽濱共犯浙李長庚合諸鎮擊賊于定海北洋二賊結百十艘爲一陣長庚督兵衝貫其中斷賊爲二使鎮兵擊濱而已急擊牽逐至盡山沈其二副船又斷其坐船篷索會風雨驟起俄遁去牽責濱不用命濱怒遂與牽分是冬長庚敗朱濱于甲子洋十年夏又擊牽于青龍港是冬牽聚百餘艘復犯臺灣沈舟鹿耳門以塞官兵又結土匪萬餘攻府城自號鎮海王十一年二月 詔責玉德歷年廢弛致賊氛日熾且福建水陸官兵七萬有餘調渡臺者不過三四千豈能滅此二萬有餘之賊 特命成都將軍德楞泰佩欽差大臣關防調四川兵三千赴剿將軍賽沖阿副之會蔡牽爲李長庚敗走乃罷德楞泰之行惟賽沖阿赴臺灣初賊塞鹿耳門時惟二汕二港尙通小舟長庚扼南北二汕外別以小澎船五十令

總兵許松年王得祿由大港繞安平港入攻之焚獲三十餘船俘賊千餘水陸並進連五戰皆破賊二月朔復盡焚洲仔尾之柵與南汕來襲之船賊大敗困守北汕如獸在阱會七日風潮驟漲北汕所沈舟爲風浪掀起漂去賊奪門出官兵追截其船十餘卒以閩師不助扼各港長庚所將水師卒僅三千餘故賊竟遁去長庚奏言蔡逆未能殲禽者實由兵船不得力接濟未斷絕所致臣所乘之船較各鎮爲最大及偪近蔡牽坐船尙低五六尺其餘諸鎮之船更爲不及曾與三鎮總兵願預支養廉捐造大船十五號海門金壇二鎮亦願捐造十五號而督臣以造船需數月之久借帑四五萬兩之多不肯具奏且海賊無兩載不修之船亦無一年不壞之槓料桅柁折則船爲虛器風篷爛則寸步難行乃逆賊在鹿耳門實出僅餘三十船篷朽硝缺一回閩地裝篷燁洗煥

然一新糧藥充足賊何日可滅

上褫玉德職逮問治罪以阿林

保代之時聞文武吏以不協勦不斷岸奸懼獲罪交譖長庚于新督阿林保阿林保卽三疏密劾之時浙撫阮元以憂去

上密詢浙撫

清安泰清安奏言長庚熟海島形勢風雲沙綫每戰自持柁老子操舟者不能及且忘身殉國四載在外過門不入以捐造船械傾其家貲所俘獲盡以賞功故士爭效死且身先士卒屢冒危險八月中剿賊漁山圍攻蔡逆火器瓦石雨下身受多創將士亦傷百有四十人鏖戰不退故賊中有不畏千萬兵只畏李長庚之語實水師諸將冠惟海艘越兩三旬若不燂洗則苔黏壑結駕駛不靈其收港並非逗留且海中剿賊全憑風力風勢不順雖隔數十里猶數千里旬日尙不能到也是故海上之兵無風不戰大風不戰大雨不戰逆風逆潮不戰陰雲蒙霧不

戰日晚夜黑不戰颶期將至沙路不熟賊衆我寡前無泊地皆不戰及其戰也勇力無所施全以大礮相轟擊船身簸蕩中者幾何我順風而逐賊亦順風而逃無伏可設無險可扼必以鈎鏃去其皮網以大礮壞其舵牙篷胎使船傷行遲我師環而攻之賊窮投海然後獲其一二船而餘船已飄然遠矣賊往來三省數千里皆沿海內洋其外洋瀕瀚則無船可掠無畧可依從不敢往惟遇剽急時始間以爲遁逃之地倚日色西沈賊直竄外洋我師冒險無益勢必回帆收港而賊又遁誅矣且船在大海之中浪起如升天落如墜地一物不固卽有覆溺之憂每遇大風一舟折桅全軍失色雖賊在垂獲亦必舍而收泊易桅竣工賊已遠遁數日追及桅壞復然故嘗屢月不獲一賊夫船者官兵之城郭營壘車馬也船誠得力以戰則勇以守則固以追則速以衝則堅今浙省



兵船皆長庚督造頗能如式惟兵船有定制而閩省商船無定制一報被劫則商船卽爲賊船愈高大多礙多糧則愈足資寇近日長庚勦賊使諸鎮之兵隔斷賊黨之船但以隔斷爲功不以禽獲爲功而長庚自以己兵專注蔡逆坐船圍攻賊行與行賊止與止無如賊船愈大礙愈多是以兵士明知盜船貨財充積而不能爲禽賊禽王之計且水陸兵餉例止發三月海洋路遠往反稽時而事機之來間不容髮遲之一日雖勞費經年不足追其前效此皆已往之積弊也非盡矯從前之失不能收將來之效非使賊盡失其所長亦無由攻其所短則岸奸濟賊之禁尤宜兩省合力乃可期效奏入

上切責阿林保甫蒞任旬月卽專以去長庚爲事倘朕輕信其言豈不自失良將嗣後剿賊事責成長庚一人阿林保倘忌功掣肘則玉德卽其前車之鑒并飭造大同安

梭船三十其未成以前先雇大商船備剿十月長庚追蔡牽於粵洋殲其姪蔡天來之船十二年春擊牽于粵之大星嶼十一月擊牽于閩之浮鷹島十二月牽福建水師提督張見陞等追牽入澳窮其所向至黑水外洋牽僅存三舟長庚擊破牽船遂又自以火攻船壞其後梢賊急發梢尾一礮適中長庚喉而殞是時閩粵水師合剿數十倍于賊少待之立可殲滅而張見陞庸懦且狃于閩師左次無咎也遙見總統船亂遽麾舟師退牽乃遁入安南夷海事聞

上震悼追封壯烈伯謚

忠毅

命原籍同安縣立專祠以長庚裨將王得祿邱良功嗣其任

勉以同心敵愾爲長庚雪讐憤時蔡牽朱潰窺臺灣不獲則屢繞窺臺灣後山之噶仔蘭爲土民生番擊退

詔收入內地毋爲賊踞其漳

泉赴臺買米之船令兵船配行渾其旗幟以誘賊十三年牽自安南回

棹朱濱資之復與濱合幫入浙并與土盜張阿治相應巡撫阮元復蒞  
任用間離之濱復舍牽竄閩俄爲許松年轟斃牽亦爲浙兵擊敗竄閩  
其黨駱亞盧殲于邱良功于是阿治率五百人礮八十餘乞降浙洋土  
盜平明年閩督亦易以方維甸而大學士戴衢亨在軍機與相得所請  
無不允于是朱濱弟渥亦率衆三千餘繳船四十二礮八百餘降于閩  
而浙江提督邱良功福建提督王得祿合剿蔡牽於定海之漁山俱乘  
上風賊懼東南遁轉戰至綠水深洋偪賊船火攻之夜半風浪并怒不  
得登賊船隨浪舳出明日仍據上風截之各舟師環攻賊且戰且逃傍  
午逾綠水洋見黑水良功懼賊暮遁外洋大呼以已舟駢于賊舟東閩  
舟駢於浙舟東賊篷與浙篷結浙篷毀賊以槌札浙船決死戰矛貫良  
功腓浙船毀旋脫出閩船復駢于賊船賊夥黨舟皆爲諸鎮所隔不能

援救牽船僅餘三十賊鉛丸罄以番銀作礮子王得祿亦受傷揮兵火其尾樓復以坐船衝斷其桅牽知無救乃首尾舉礮自裂其船沈于海

詔封王得祿二等子邱良功二等男于是閩浙二洋巨盜皆滅論者謂賊之生死在閩浙之合不合前此賊屢困于浙而閩不協力至是閩浙合而賊遂殲矣惟粵洋之艇賊獨存初安南夷艇敗竄其餘黨留粵者共五帮曰林阿發曰總兵保曰郭學顯曰烏石曰鄭乙嘉慶十年有會匪李崇玉與艇賊通官捕急逸于海船兩廣總督那彥成誘禽之給給五品頂戴又招降洋匪三千餘請賞頂戴銀兩

上以那彥

成不剿先撫濫給官職且皆懸賞購募非窮蹙求生致有爲民不如爲盜之謠恐貽後患召還以吳熊光代之十一年吳熊光奏言高州府之吳川雷州府之遂溪爲通洋盜藪宜塞港以清其源并禁商民代駕暹

羅貨船及冒買暹羅米船以防代銷盜賊之弊並于進口洋船收買其  
歷船鹹沙以杜煎硝之弊從之十四年百齡代吳熊光督粵禁岸奸接  
濟益嚴盡改粵糧水運爲陸運其南澳廳及瓊州隔海者以兵護送其  
硝磺各廠亦改商歸官賊外洋無可劫乃冒死撥小船入掠內河官兵  
先後捕斬是秋總兵許廷桂擊殲盜首總兵保圍其數十船適鄭乙帮  
之張保仔三百餘艘蠡擁而至據上風衆寡不敵許廷桂敗死張保仔  
遂入掠香山之大黃埔百齡調兵內外夾攻斷其走路賊旋突圍遁奏  
劾提督孫全謀總兵順德等軍無節制置塞港之石舟與焚賊之火艇  
皆不用失機誤事 詔革職戴罪効力時粵賊惟郭學顯鄭乙妻二  
大帮至是郭賊決計出降與鄭乙帮力鬥奪鄭船及己衆五千餘大小  
船九十餘入平海投獻時鄭乙死已久其妻代領其衆屢蹙于官兵遂

于十五年二月詣省城乞降而令其夥張保仔率衆萬有六千船二百七十餘艘繳千餘赴香山海口百齡親往受之赦令隨軍自贖乃檄各鎮會剿烏石幫於儋州洋盡俘其衆又降東海幫林阿發等三千四百餘粵賊平 詔以粵東嚴斷接濟力行團練各賊不能上岸掠食而安南臣服以來又無處銷賊是以窮蹙投誠皆百齡號令嚴明所致賞輕車都尉世職是年蔡牽餘黨千有三百亦降於福建

臣源曰嘉慶十五年

詔言國家經理大事當扼其要領譬治病當

究其病源如剿教匪則堅壁清野爲要靖洋匪則杜絕岸奸爲要大哉

王言可謂戰勝廟堂之上矣人知海賊之巢穴在島洋而不知海

賊之生資皆在陸岸岳武穆言以官兵攻水賊則難以水賊攻水賊則易若乃不攻水賊而坐制水賊之命洵折衝上計哉然亦適乘安南竊

東杜艇匪之後耳不然接濟之令能行於內地而不能禁於屬敵以彼漏卮乘我內蠹雖欲不整戈船駕大海其可得乎當粵氛未靖澳門西洋人備兵船二英吉利人備兵船四願助剿海賊廣東大吏以中朝無借助外洋之理卻之夫不借外洋之戰艦可也不師外洋之長技使兵威遠見輕於島夷近見輕於屬國不可也 國初徵荷蘭夾板艘以攻臺灣 命西洋南懷仁造火礮以剿叛藩 先朝近事具在冊帙擴而推之敢告禦侮

禮親王嘯亭雜錄曰李長庚圍蔡牽於臺灣斷其走路牽使其腹心操小舟僞降欲行刺長庚搜衣得刀斬之時所將浙兵止二三千餘皆閩卒蔡牽以賒錢數十萬徧賂閩卒買路閩師遂解體不盡力會夜大風雨蔡牽冒死潰圍閩兵守港口者縱之去 上罷閩督玉德以阿林保代之阿林保見賊勢難結局置酒款長庚曰大海捕魚何時入網然海外事無左證公但解一假蔡牽首至余即飛章報捷而以餘賊歸善後辦理則不惟公受上賞余亦當邀次功孰與窮年冒鯨波僥倖萬一哉長庚慨然曰石三保氣人傑之事長庚不能爲且久視海舶如廬舍不畏其險也誓與賊同死不與賊同生閩督不憚丁卯十二月賊以三舟竊某島去官軍半里長庚以舟師圍港口計日就

食閩督飛檄促戰動以逗撓爲詞長庚斬賊怒下令誓一日食賊賊決死戰有卒跳上賊船幾禽牽者再牽奴林阿小索識長庚暗中由篷窗出火鎗中長庚胸而斃後三年閩督易以方維甸又值大學士戴衢亨掌樞柄所請無不允始獲成功

謝正德之奏

命西莊南關二臺火之以燻賊寨

其親以具應效高與張良漢外圍固不守也

雖指此校致之胆膽之夫不掛校料之輝輝回世不補校致之員好也

教人請其能二英吉師人請其能四願恨嫌教想請東大吏以

請承乘其內蓋編煇不學文也蓋大觀其何嘗平富也

東外險山之危且不無考實之合雖行以內此而不須禁外



康熙武昌兵變記

康熙十三年三藩叛。朝議以湖廣當雲貴衝，增總督標兵二營，并向所設三營爲兵五千，以總督蔡毓榮將之進戰。暨二十三年，雲貴平，總督董衛國奏汰兵二千，復三營舊制。明年三月，徐國相代之，復裁一千。先後散處湘湖間，落魄無歸，督標僅存二千人，皆蔡毓榮征滇時所募精銳也。賊平後，其軍功職銜部議皆不允，除官標兵已缺，望及二十有七年，并裁湖廣總督員缺，標兵二千不籌安置，截日罷餉。于是洵聚謀變。五月十二日，舊督徐國相還朝，既登舟，裁兵百餘圍，訴索餉。徐國相急解纜去，衆遂大譁。署按察使黃州知府蘇良嗣署驛鹽道武昌府同知朱璘署武昌府知府，通判張芑撫標游擊馬駿聲等走白巡撫柯永昇，遣督標守備胡定海往詰之，僉以督標中軍副將傅爾學扣餉爲

詞核算共金五千米千石乃議傅爾學出其半各官贖給其半并諭以願歸農願充伍者分別安置衆譁呼去已而復日譁于撫轅欲設武昌鎮總兵復歸部曲朱璘密獻計于永昇擇驍桀夏逢龍等五十人爲撫標親兵犒以金餘分隸他部官給船米行有日矣而副將傅爾學斬起功千總胡耀乾等潛構之又爲妖僧大元煽惑遂推逢龍爲魁而大元謀主夏逢龍者景陵人使氣好大言以施與排解服衆皆呼夏包子僧大元者坐東門山隈不語數年一日相逢龍且夕當大貴且言夜見楚王臺上白氣如雨散占主兵二十二日黎明衆遂大譟露刃圍撫署射傷襄陽鎮總兵許盛于轅門入署奪勅印永昇投井死逢龍遂自稱總統兵馬大元帥黃織鳴金呵殿踞閱馬廠官廳南面坐旗纛皆白其黨翦髮爲識挾署布政使督糧道叅議葉映榴以下諸官次第至迫以僞

職映榴佯好言令開城門毋傷百姓而自具遺疏遣家人懷印出城自  
劉死朱璘張芑罵賊被縛暴烈日中自辰至酉又拘之別室芑密與胡  
定海謀令守備李國俊詭附賊爲內應猝未有以得當也當是時賊盡  
招還前裁兵數千皆征滇自戰之卒又募江湖盜賊縱獄囚放兵四劫  
連陷武昌咸寧嘉魚蒲圻及漢陽諸縣脅從數萬使僞總兵胡耀乾偕  
僧大元守省城而逢龍自將驍銳渡漢陽犯德安連陷黃陂孝感雲夢  
圍應城將長驅荆襄應城兵僅數十知縣齊國政率居民守禦九晝夜  
荊州將軍噶爾漢以駐防兵至連戰卻賊賊復潛遁死士夜半梯城蟻  
附而上李國俊在賊營懼城中不知也甫及半遽鳴鉦大呼城中皆驚  
起登陴矢石交下賊遂退官軍出城縱擊大敗之逢龍遁還武昌西路  
始無恐國俊密約武昌守備胡定海內應書誤送胡耀乾所耀乾以兵

出迂將執之國俊覺而東走與追者轉戰至樊湖死之初賊遣別將趙得東犯黃州舟蔽江下礮聞數十里黃州副將阮述謀拒之而麾下已樹白幟應賊乃棄城走蘄水而蘄州營卒丁原等亦焚掠謀變會朱璘張芑許盛皆乘賊西上時以計自拔踰城出東告急于安慶江寧時

朝廷已遣都統瓦岱爲振武將軍調江寧滿漢兵水路兼程進七月復黃州降賊將趙得而張芑亦與蘄州守備李馥延知縣喬文錦等斬賊將復武昌縣東路郡縣皆反正其上游則湖廣提督徐治都以常德舟師出洞庭抵武昌六十里之金口賊悉衆禦之謀以驍銳衝我前而分兵夾攻其後會官兵已禽賊將于蒲圻而夷陵鎮總兵嚴宏南陽鎮總兵史孔華亦敗賊兵于蔡店復漢陽賊始不敢旁出繞襲提督戰賊于赤磯山之鯉魚寮薄暮適大雨賊弓膠火藥濕乃上風縱火以精騎蹂

之賊大潰龍單騎逢奔武昌則守武昌之胡耀乾已斬僧大元獻城矣  
逢龍至不敢入亡命黃岡索飯村寺書生易惟聖等報大軍禽之與其  
黨胡耀乾等皆伏誅七月二十八日軍次漢陽奏捷距賊起事兩閱月  
賊平 詔贈卹殉難諸臣葉映榴以下其受困不屈者各復故職仍  
設湖廣總督迄今爲定制自滇逆以來寧夏河南所在兵變隨時懲撫  
具見方略者不復述焉

凡此皆不與國謀

自國有難言至今為王時自和親以來實與國南而王共利利和邊  
和乎 諸國誠與國能立其地國以不其安困不孤吾意所結也  
諸國誠與國皆外和乎以二十八日軍文為國與國和親車西國  
諸國主不歸入寸命黃樹國諸國皆主其對聖和親大軍今之軍  
之軍人與國理諸國皆知其現守其國之附國與國神會大示其

嘉慶寧陝兵變記

南山起隴西尾商鄖阻奧千餘里據川陝湖之腹而五郎形勢要害又據南山秦嶺之腹乾隆中巡撫畢沅始奏設廳治以轄山內嘉慶五年又就其地置寧陝鎮節制子午華陽黑河諸營汛以從征鄉勇五千充新兵地險兵悍爲漢北第一雄鎮七年奏報戡定九年三省肅清額勒登保德楞泰先後還京十年七月而有寧陝新兵之變初額勒登保於八年奏言南山內食糧價貴請於例餉外月給鹽米銀五錢俟三年後減給四錢是年六月屆三年減給之期陝西布政使朱勳以未奉部議并四錢停給又借給包穀二千餘石抵三月糧新兵大譁時陝西提督楊遇春入都總兵楊芳赴固原署提督事而以副將楊之震護寧陝鎮總兵遇兵士訴者不曉諭輒笞治於是左右二營兵陳達順陳先倫

謀變糾黨二百餘焚掠新舊二城戕副將游擊劫庫獄以叛賊黨蒲大芳等以楊芳得士心先護送其家屬於興安而後歸從賊楊遇春行至西安聞變卽奏調省標滿漢兵二千餘固原河洲兵二千餘剿之

命德楞泰以

欽差大臣同札克塔爾馳赴陝賊煽脅各汛新兵入黨

大半四川人欲由棧道南走川西陝甘總督倭什布馳扼徵鳳四川提督豐紳扼七盤關楊遇春馳赴寧陝廳盡調各汛新兵歸大營以絕其糾結賊已奔華陽二郎壩破洋縣虜脅二千餘騎二百八月德楞泰馳抵漢中奏言賊勢猖獗宜厚集兵力復調四川兵五千湖北兵二千又請發木蘭進哨兵百人赴軍賊攻石泉總兵王兆夢拒守楊芳亦以固原兵二百馳抵石泉賊折回寧陝時新舊城已毀於賊叅將胡定泰署同知李晶退守焦家堡殺傷賊百餘乃退走四畝地東犯鎮安

詔



湖北巡撫全保嚴備鄖陽河南巡撫馬慧裕嚴備商州九月賊攻孝義廳分隊窺子午峪楊芳馳扼峪口

上責德楞泰擁兵不進致賊

橫行日鴟張德楞泰使楊遇春札克塔爾以兵五千由洋縣入山擊賊而自以四千兵繼進賊復西趨斜峪攻鄠縣楊芳復馳救力擊其劫營之賊身受數創鏖戰竟夜黎明賊知爲楊芳軍始南轉入山初德楞泰使楊芳將新兵千餘別爲一隊不與他兵相間以覘士心向背至是謂新兵已與賊分無內顧憂始檄諸軍進擊時賊起事頭目百四十人各招黨羽每人所招或百餘或數百旬月萬計又選其能戰之賊步騎三千爲前鋒以陳先倫陳達順不得衆心改推蒲大芳爲首羣賊皆聽指揮遇楊遇春軍於方柴關兵賊隔河尙有相揖訊者及戰數合互有殺傷蒲大芳陷陣力戰衝官兵爲數隊又伏賊繞出陣後官兵且戰且走

遂大潰賊圍札克塔爾於汛堡數重楊遇春僅餘親兵數十登山斷後賊追至忽反走乃收潰散扼方柴關次日楊芳馳至議以叛兵皆百戰之餘驍悍習地利而官兵勤勞九載瘡痍未復且與叛兵多同功一體之人以兵攻兵終無鬥志而賊兩戰皆見二楊輒辟易尚有舊部曲誼乃議楊遇春按兵緩攻而楊芳單騎直入賊營萬衆乍愕楊芳故得蒲大芳心又捭闔操縱衆讐不敢動逾二日卒使蒲大芳誘縛陳先倫陳達順向貴三賊出詣遇春軍以降又率蒲大芳邀擊不降之千餘賊於江口斬賊首朱先貴等遂盡率其黨四千餘分屯待命德楞泰遂以叛賊震懾兵威窮蹙乞命奏其叛卒二百二十四人盡釋歸伍

上

震怒責德楞泰專擅廢法縱叛損威罷其御前侍衛領侍衛內大臣及

一切差使德楞泰覆奏以官兵新屺餉運難繼爲詞

上又詰叛

兵既非畏威窮蹙何以肯降德楞泰詞塞乃使薛大烈馳覲而奏於是  
總督倭什布謫科布多駐防札克塔爾降四川副將楊遇春降寧陝鎮  
總兵其寧陝兵額裁汰二千戍其降卒二百於新疆而楊芳以平日馭  
兵不嚴釀變劾罷遣戍使率降卒出關其文吏停折銀發包穀激變者  
置不問是年十二月四川復有綏定府新兵之變兵備道嚴世鉉知府  
王世濤守備王國雄俱踰城走達縣知縣余永寧朝服升堂諭賊賊出  
城受約束乃開庫募鄉勇守城會副將桂涵馳至掩捕殆盡 詔斬  
棄城激變之王國雄以殉明年正月復有西鄉瓦石營新兵之變太平  
協副將羅思舉星馳擊敗之賊竄巴山官軍至復出乞降 詔以新  
兵效尤皆寧陝縱叛所致悉誅無赦十二年冬伊犁將軍松筠以戍卒  
蒲大芳等怨望桀驁先後調赴伊犁中途以軍法便宜悉誅之

上責其專擅然卒不之罪德楞泰旣劾成楊芳恐物議不平復密奏申雪之言使功不如使過楊芳至伊犁未一月卽赦還不數年復建節陝甘道光六年以征回疆俘張格爾功封果勇侯別詳餘記論者謂叛兵習流賊之故智使楊芳遲招撫數日賊已議分數十路突秦隴楚蜀荼毒生靈老師糜餉曷所紀極追數千出柙走險之兇虎毆使歸閑就勒機不容髮計不反顧天也非人也孫子論用兵曰全軍爲上破軍次之故嘗論二楊勞烈當以招撫靈陝爲稱首

### 附楊芳南山靖賊事

嘉慶川陝軍中二楊齊名一謂楊果勇侯芳也籍貴州松桃廳自苗疆從軍練額威勇侯麾下轉戰川陝嘉慶五年授寧陝鎮總兵三十建節功在南山始以未弁探騎深入敢死歸則賊情地勢手畫口陳洞中機要經略諸大戰皆其嚮導之力尤著者四年石笋河之投冷天緣餘黨衆逾萬經略令朱射斗繞路邀其前大軍尾追其後而芳以九騎前搜甫行十餘里遙聞右路礮聲馳益近聲益急及至石筍河南岸則萬賊爭渡後逼陡阜前臨大河左右無路芳急遣二騎回催大軍而以七騎大呼馳下連矢墮其前

賊餘皆驚潰赴河陷淺洲中三十餘水沒及胸不能進退其先渡北岸者千餘無由救  
應五舟離岸衆賊蟻附舟重每發一矢卽驚覆二舟五矢五舟齊覆俄遇春穆克登布  
軍至則河岸已無一賊矣聞軍歡呼曰七騎掃蕩七千軍五箭射死五百人經略大嘉  
尋由都司擢游擊參將五年渭南之役楊開甲辛聰張天倫等賊合趨潼關經略遣芳  
以千騎扼東路馳至渭南繞出賊前賊聞風西折黎明追至見馬跡中積水猶潢知賊  
去不遠急馳之復見蹄凹泥水猶動遂轉山灣則步賊數萬擁塞平川騎賊千餘殿後  
芳率數十騎大呼衝入矢隨聲發後至二百騎乘勢蹂躪賊倉卒潰竄擒斬歸營遂奏  
賞誠勇巴圖魯六年巴州太平之役經略大兵方勦辛聰而分步騎三千令芳勦冉天  
璜張天倫旋擒冉天璜於巴州進擊張天倫四千賊於太平之小祥壩騎兵誘賊出林  
而步兵潛襲其後殺賊七百赦其騎銳二百五十餘時敗賊夜奔百餘里冒渡紫陽河  
溺死其半降賊楊老么追及亦渡河衝入賊羣盡說降之乃馳擊辛聰於南山與經略  
夾攻斬擒二千餘辛聰率千餘賊竄龍池場老林料官兵不能卽至方避雨箬內解履  
燎衣芳督官兵掩至賊倉卒不知所歸斬俘過半其地則總兵九十所轄也問芳至燕  
羊以待芳約俟擒斬辛聰會食及擒賊回營果蒸羊甫熟七年正月授南山寧陝鎮總  
兵南山袤延千餘里萬壑億筭無際兵魚貫入其中數十賊作千萬賊勦千萬兵作數  
十兵用明亮永保那彥成諸帥追賊入山無不智勇俱困新設鎮城去五郎廳城十里  
以鄉勇六千爲新兵專搜老林前任總兵劉之仁韓自昌相繼戰死山中官兵千人不  
及鄉勇六分之一動爲挾制又有通判維昂鄉勇千餘所至虜掠不屬總兵節制芳積  
年軍中百戰親卒皆爲經略改隸他將令單騎入山先收服生員伍敏鄉勇一千四百  
餘得其死力四月撰滅劉允受於孝義應適經略大兵追荷文明劇賊至老林四竄無

跡搜捕彌月

詔書切責芳值得賊蹤以兵六百馳剿之賊散伏箬內山高徑雜草

木皆兵芳令每百人爲一隊相距數武每隊旗首挺長矛先入扛一礮護左右銃矢刀  
矛繼之前隊敗竄後隊繼進魚貫迭攻人自爲戰賊始潰遁經略復遣總兵李應貴副  
將吳廷剛以兵三千來會追至黃官峪口賊屯峪內數里徑窄賊死鬥負輻莫敢櫻帳  
下某弁請護印繞他道芳曰汝恐我陣亡耶下某懷印挺矛先進合軍一呼入峽塵戰  
至花石崖遂殲苟文明而賊弟苟文潤復糾餘賊一二千竄張果老洞經略奏委芳專  
剿而受成於總督惠齡芳遣楊老么李可定探之皆遇伏死乃徒步躡追窮其所向三  
越太白山六月冰雹凍死九卒失足輒陷積雪中山上中下有三百祠祠前各有石池  
積水深十餘丈上池爲斜峪水源下二池則黑水潞源也嘗冒暑追賊面迎日射雪  
薄暮營山巔太白祠霧烟起寒受火偈夜半但聞呻吟聲號痛聲全軍目廬黎明魚貫  
下山憩數日始愈復追至洋縣之太棧溝搜山八十餘里便液解渴深夜殺賊千餘逃  
散數百官兵飢渴一晝夜始尋徑出華陽其跋涉之艱如此凡山賊剿敗所竊多其羸  
弱其丁壯仍以老林爲逃死數或五七人或三四人或百餘人分合不定加以苟文  
明餘黨驍悍數百聚則攻寨散則掠人勒贖易糧遇官兵追急或散葉掩蹤或入溪行  
走或鳥獸四竄約會他地使官兵莫知所向嘗自華陽追賊數千入山薄暮少憩雪融  
泥灣凌晨跡之五里至三岔路口見數百賊足跡在前一賊婦足跡在後更前賊杳無  
去跡又無轉蹤遣卒三路探至數十里要隘皆回報無影合軍駭曰賊飛去耶抑盡化  
爲異物耶次日右行百里桃園溝獲賊訊之則前夕賊於三岔路口退步倒行至營前  
足跡溷亂之處躍沂溪流鑽入密箬而遁其賊蹤詭譎復如此七年冬奏報賊定八年  
散遣鄉勇酌遠近各給銀二三兩以銀五錢收繳長矛衆頗洵總兵李應貴鄉勇四

百噪於大安驛通判維昂鄉勇四百噪於漢中芳皆隄機撫散副將吳廷剛鄉勇四百挾道員朱勳索賞每人至二十金始散於是芳麾下鄉勇三千餘亦聞風思變一日自華陽拔營將行忽衆矛齊舉遣弁往諭卽倒矛相向諸將皆失色芳放聲大笑不休久之衆矛漸斂芳以隊首笑問曰何兒戲如此對曰鍋帳未至不願起營芳曰衆謂勞苦曹聽亦無不可然山中無民舍酒食犒賞前行六十里一郎壩可多休數日候齊鍋帳毋違軍令始整隊至二郎壩乃遣人赴前六十里之黃柏園備牛酒犒士次日出街坐胡牀遂傳各旗索倡首者皆曰本旗無之於是逐旗遣去其倡亂二人爲外委馬元魁旗下鄉勇某芳早已訪知最後傳此旗詰之對如各旗亦如前遣行惟留倡亂二人聽差遣俟各旗去遠然後斬之至黃柏園出二首級狗於衆衆皆驚服馬元魁者卽伍敏所率鄉勇六隊之一也於是芳歸五郎城議盡散遣伍敏六隊鄉勇二千四百人并查游民捐賞回籍而馬元魁隊首三十餘人復叩轅詭詞求賞冀欲如漢中之數其餘五隊觀望俟覺芳從容開導以鎮之聽其竟日晚起飢倦以勞之及夕旣退密傳五隊首令其擒獻領袖以離之繼復乘夜傳令點兵以威之未黎明衆隊首赴轅乞哀於是六隊每人加賞銀一兩卽日繳矛散遣而盡留其頭目隨後安置月餘散鄉勇二千游民三千其資遣之難復如此初總督惠齡據各路浮稟剿除賊數按經略原交實數屢次入告計山中止應餘賊十餘人而山中所至劫殺或一二百或五七十爲數尙多實不知所多之數於是廷旨嚴責惠齡惠齡嚴檄芳四月芳於石板溝搜斬逋賊百餘始報大局肅清請惠齡撤官兵回任自請專力搜捕詔加提督銜分派將士十餘路每路百數人由東而西由南而北逐山逐箐以次排搜芳躬率大隊居中策應六月搜至太白山零匪復獲至三百餘竄出壘屋爲官兵截遏入山八月又增百餘有

詔嚴竇而零匪皆積戰猾賊騰山騫潤無不一以當百分軍剿之則不利合軍攻之則先遁嘗偵得賊於洋縣之東坪一夜疾馳掩之賊夢中驚起全隊裸遁兔脫隼逝無一獲者翌日如數百赤身猿猴入山寨民無不絕倒沿途斬竹爲矛擄人勒贖不數日衣械畢全芳率兵追過漢江賊遁巴山與參贊德楞泰大軍輾轉鏖拒九年冬始爲楊遇春設伏道士溝夜半殲之云初賊過漢江南詔芳嚴防漢北自西鄉而洵陽千餘里上游灘淺冬春水涸易於揭厲前此防漢將帥無不獲罪鎮兵二千分派要隘每處不過數名數十名除分布外親兵僅餘二百沿江兩岸山崖相間更難援應乃逐灘揀石堆壘偏水歸槽又創蕤藜刺龍刺窰絳索四物散布水中阻賊躡越北岸則創轟天礮萬劬弩又以竹篋貯石北岸爲長垣順流而東工成後沿江督兵訓練鎗礮聞遠近賊不敢近九年冬各省大兵皆凱旋而南山中處處黑夜殺人多歷年委員所派人役及流落鄉勇假賊劫掠乃請於總督那彥成盡撤委員分署州縣以便各人安置隨役并通省捐養廉銀二萬兩散遣流民四千餘人派兵分路櫛剔獲八賊於老林赦使鄉導其時楊遇春亦剿淨巴山道士溝之賊於是兩山皆報肅清其邊濞善後之難又如此初寧陝鎮之立也芳以五郎關雖南山適中山凶水惡不宜重鎮請移鎮漢中經略不許所轄新兵數千皆驍悍桀驁十一年四月督楊遇春入覲移芳署理而以副將楊之震護總兵七月因停扣米折遂有悍卒陳先倫陳達順狀官之變芳率固原兵二百晝夜馳至邠州始知家屬留鎮署者已於月初爲叛卒蒲大芳等送出石泉遂中途草檄馳諭八月朔始晤方維甸楊遇春於漢中城是時叛兵已破洋縣官兵阻漲不能援芳率新兵六百由水路往援石泉騎賊二百跪城下哭訴芳絕其頭目上城痛縛之然後宣諭數其罪許其降賊立罷城外關箱之攻蒲大方遣人密約衆皆願降惟



二陳不願欲由五郎東奔商維芳密授計蒲大方令先收衆心奪帥權越七月衆果推蒲大方爲魁樂鎮城東北竄楊芳率兵六百回鎮九月鄂縣告急芳出子午谷赴援與城中次擊矛貫芳臂城始獲全而城中終疑新兵不敢納乃營於城外賊亦不知爲芳也力攻徹夜黎明見本鎮旂始解圍遁復進追至方柴關則楊遇春軍與護軍統領札克塔爾提督豐紳等以步騎八千先日爲賊所敗矣芳追及賊力平磨賊望見麾蓋下馬伏地芳解佩囊賞之并遣騎止後軍緩進而兩山步賊皆外集匪徒故黨二陳洶洶欲鬥蒲大方亦不能止也薄暮兵賊各結營拒守竟夕戒嚴留舊受恩叛兵三十餘宿帳中黎明前懸二里賊數騎來迎楊遇春遙呼止之芳不顧甫轉山角千騎夾道跪惟陳先倫不降半驅馬隊全攝步隊以去芳乃令後騎各轉馬首聽宣諭先述朝廷恩威罪干滅族開示利害千百言衆皆默觀轉輒再動以積年軍中共生死歷艱苦情同父子乃一旦爲人偏叛復督兵相剿何異持刃自殺吾子卽顓天如得收降救衆命願茹素三年語未畢聲淚嗚咽衆皆號咷聲殷山谷芳曰能爲我擒陳先倫來耶有四十騎應聲往芳率叛目數十先回大營入夜二陳皆擒至然其黨尙數千皆外賊較叛兵尤難約束芳中夜不寐復五鼓入賊營索枕擲寢翌日始集叛衆問其人數號令大方曰行軍視帥旂臨敵聽礮聲犯令者鐵鞭擊死無論芳乃索帥旂鐵鞭手自執之大方及其黨神色慘沮芳解佩劍書一小令旂給大小使糾撻抗令飲博虜掠之衆以安其心卽收願歸籍者八百餘送大營資遣有偃蹇側立衆中者問知卽衆匪徒之首向貴也立擒送大營斬之夜半忽殺聲四起各頭目領予手五百護衛齊叱曰主帥在是敢前者斬芳堅臥不動翌日詰之知前隊及左右兩路步賊因向貴被誅疑懼分竄芳自率蒲大方等追之翌日始截及前隊梟倡首五人宣誓令申約束乃樹紅白二旂令願

降者立紅旂下不願降者立白旂下凌晨赴場則紅旂下降衆畢集白旂下無一人乃  
宣諭隨吾叩謝天恩 朝廷恩各三跪九稽首再謝主 恩三稽首禮畢回視衆面怡  
然消盡殺氣歎曰禮樂教化之力也乃設局給粟給費旬日散遣四千率 降兵繹參贊  
於兩河口令率回鎮而奏中不及文吏停扣米折之事亦不敘芳招降之功轉以前在  
鎮時驕待新兵爲其罪 詔嚴責德榜秦縱叛養奸專擅廢法并謫總督倭什布戌  
烏魯木齊楊芳戌伊犁甫戌卽 賜璣蓋功罪是非任事之難復如此

降者立紅旂下不願降者立白旂下凌晨赴場則紅旂下降衆畢集白旂下無一人乃  
宣諭隨吾叩謝天恩 朝廷恩各三跪九稽首再謝主 恩三稽首禮畢回視衆面怡  
然消盡殺氣歎曰禮樂教化之力也乃設局給粟給費旬日散遣四千率 降兵繹參贊  
於兩河口令率回鎮而奏中不及文吏停扣米折之事亦不敘芳招降之功轉以前在  
鎮時驕待新兵爲其罪 詔嚴責德榜秦縱叛養奸專擅廢法并謫總督倭什布戌  
烏魯木齊楊芳戌伊犁甫戌卽 賜璣蓋功罪是非任事之難復如此

乾隆臨清靖賊記

國家歲漕東南數百萬由運河供億 京師而臨清州綰轂南北水陸  
咽喉有新舊二城皆瀕運河東岸舊城土垣周三四十里市廛鱗次數  
萬家與新城等 乾隆三十九年兗州府壽張奸民王倫以清水邪教運  
氣治病教拳勇往來山東號召無賴亡命徒黨日衆羨臨清之富庶又  
大兵方征金川意 畿輔兵備或虛倡言有四十日大劫從之者得免  
壽張知縣沈齊義捕之賊遂於八月二十有八日夜襲城戕吏賊先言  
破城日當有風雨及期適應衆益信承平久官民皆不習兵賊連陷堂  
邑陷陽穀皆劫掠棄城遁分趨臨清東昌圍阻運道衆數千時  
上駐蹕熱河行宮大學士舒赫德奉 命視河南決口未出都  
命佩欽差大臣關防由天津馳赴山東督師 命額駙那旺多爾濟

左都御史阿思哈率健銳火器營兵千又簡吉林索倫善射手五十爲  
選鋒 詔直隸總督周元理以兵防廣平大名界而河道總督姚立  
德防東昌時總兵惟一以兵三百擊賊堂邑復以兵八百擊賊柳林皆  
不利賊圍巡撫徐績軍於臨清之梁家淺惟一援之賊解圍趨運河官  
兵不扼運河東岸惟知閉城守賊遂結筏渡據臨清舊城佯禁殺掠以  
車三百兩塞街巷脅丁壯圍攻新城城上銃礮擊之不能中乃裸婦女  
血雞犬厭之復敗其火車十四日總兵惟一德州城守尉格圖肯以兵  
千餘至不知休城中伺閒出奇卽倉卒戰城外旣敗復不入城而走東  
昌 詔斬以徇會各郡援兵漸集臨清兵民議夜半縋城揜賊不備  
副將葉信不可回空糧艘阻橋關不得進賊反脅絳夫以攻城又束糧  
艘爲浮橋圖北渡時禁旅由德州攻其東東昌兵攻其南直隸兵由景

州故城攻其北又以兵扼館岡防西竄直隸總兵萬朝興破賊二千於  
運河西岸燬浮橋及閘口之橋又遣兵扼下游三岔河敗其西渡之賊  
二十有三日舒赫德軍抵臨清賊千餘北出牽官兵而驍賊五六百陣  
舊城東門迎戰舒赫德遣侍衛音濟圖等以禁旅三百追賊北門外而  
自攻東門賊敗竄城內短兵巷戰官軍先後焚斬及赴河死者千餘驅  
城東南之賊盡歸西北音濟圖旣殲北竄千賊於塔灣亦還兵搜王倫  
於城中大宅毀牆入手擒之爲十餘賊所奪賊登樓縱火死復殲巷戰  
女賊烏氏等數十生擒其弟王樸其黨樊偉孟燦王經隆等檻送京師  
誅其黨千餘舊城居民先後投首數千招回復業之戶七千口四萬餘  
凡一月賊平糧艘回空南下

上責舒赫德於音濟圖手擒王倫  
時不多遣精卒致首逆未生俘又逮治副將葉信不守舊城之罪舒赫

德奏言舊城土垣半圯且寥闊難守請宥之然守臨清者當守運河運河渡口舟雖撤而無守兵此賊所以得襲據舊城也且援兵已集宜從絕城擣賊之謀事平善後亦未聞改小舊城而繕固之何耶初給事中李漱芳奏言山東吏諱災不報反加徵激變非盡邪教及逆黨解京軍機大臣九卿科道鞫於廷命李漱芳自問賊皆無以災對者

詔罪狀李漱芳與奏直隸荒歉之御史范宜賓皆謫之乾隆四十有一年春二月金川蕩平上東巡告成闕里四月回蹕舊城

御製臨清歎臨清歌二詩勒石閘東憫民痾焉嗚呼王倫之事么魔無足紀也然顧祖禹有言地利隨時勢異今日南北咽喉在於運河而山東扼其要害故能爲幽燕利害者必於山東則臨清之事可無紀乎